



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C 40-4514



B 64853

梓舟船禪師語錄序

余癸卯之四月督運郎襄以備秦豫之師舟次鹿門
灘遙望山間隱隱有紫氣知其中有至人月夜杖履
往覓焉屢跨懸澗迷道而歸至夏旋舟於酷暑炎日
之下再一往覓雖揮汗成雨足力旣窮而勇往不懈
以胸中懷至人若赤肉團上一無位真人來來往往
故艱涉而心怡也馮虛御風何足云喻披荆蓁拔蘿
牽牛腸鳥道數息而至其境未見禪師已入彌勒樓
閣矣旣見禪師將謂別峯見德雲矣促膝晤對方丈
吾人准拏不二法門矣把手相將巖頂共遊踏佛

10

1

2

3

4

5

6

7

8

9

20

1

2

3

4

5

6

7

8

9

30

1

2

或渡險風濤湍漩千危萬艱際無不印合水乳時時與禪師若覲面也蓋邇來獅吼遍地法幢如林卽余之遍踏名山歷參知識亦衆矣未見梓舟大禪師南宗北宗合一也一葉五花滙源也未承曹洞之脉而兼擅其綿密無連織之偏現接臨濟之傳而獨得其直捷無魯莽之失龍象中又出類拔萃者佛稱聖中聖天中天禪師乃悟中悟禪上禪也何可易得而易遇哉丙午孟夏乘寶筏過鄂渚訪余於署余謁於靈山蘭若酬答瞬焉耳然對無心道人彈指共座開我

心花卽三千大千七寶以用布施所獲福利恒沙難量況示衆普說機緣頌偈成帙成錄大彰正令顯發無上將大地衆生齊携般若船中一渡永渡則禪師人天眼目也法王宗子也何可無一言以讚之且承法乳者二隱大和尚也余壬午登蓮華峯參

二隱於蓮心精舍話心達旦誠世代法親也又何可無一言以贈之柰公務猥集無擋管時而禪師已登舟矣乘風破浪之間故不及宣揚道妙而略述一再晤言一段因緣爾余曰禪師之語錄可以序可以讚

空乘芥舟觀香水海也蠻蠻之聲安能

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 0

弘空不以一拳之石安能益須彌之高哉唯曰觀
梓舟禪師語錄勝持金剛四句偈也止止不須說師
法妙難思因擲筆焉是爲贈序

髮衲武張聯法名通陞沐手拜題



古檀溪寺梓舟船禪師語錄目

第一卷

上堂

陞座

小叅

示衆

機緣

垂問

像讚

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

才公

第三卷

行實

聯芳

法語

雜著

佛事

梓舟船禪師襄陽檀溪語錄卷之一

明法等編

上堂

爲湖州砦侯

彭公鹿門法兄山主柯公監院常德修完大雄寶殿
圓滿衆請上堂拈香祝聖師云此一瓣香萬卉叢中
端爲祝延

今上皇帝聖躬萬歲萬歲伏願皇風永扇慧日常明
次拈香云此瓣香奉爲滿朝文武天下宰官本郡各
衙勤畫棲護法鄉紳文學檀越居士耆舊等福同東

10

1 2 3 4 5 6 7 8 9 20

1 2 3 4 5 6 7 8 9 30

1 2 3 4 5 6 7 8 9 0

海壽湧南山心懷般若金剛種智又拈香云此辦香
蜀地生來二十年前叅見十餘衆尊宿皮穿骨髓未
後船子一棒淹殺岳山方出把茅度歲又十餘載恩
毒難忘今對人天衆前奉爲荆溪保安堂上傳臨濟
正宗第三十二代先師二隱大和尚用酬法乳之恩
斂衣就座谷隱無大師白椎云法筵龍象衆當觀第
一義師云銅頭鐵額不思善惡者請出相見維那問
二三眉未展今日喜重重新殿卽不問請問和尚如
何是舊基底事師云上頂天下立地僧禮拜師云上
座作麼生進云和尚道過師便打云是賞是罰進云

賞罰分明師云未是唧咄漢監院問生死涅槃卽不
問請問昔日世尊在靈山說法通天徹地和尚今日
遮天蓋地事如何師云頭上安頭僧禮退師便打僧
問古林重現師子吼且道今日法王事如何師便打
僧禮退僧問如何是父母未生底事師左卓拄杖進
云如何是生後底事師右卓拄杖進云如何是不生
不滅底事師復卓拄杖僧作禮師便打乃云若道一
椎節上生枝何故聾般若流通妙指微笑超羣覓心
了不可得始可安心染汚不得肋下還拳這邊那邊
不通凡聖乃能遊戲三昧所爲片瓦爲天金沙佈地

碧懸慧日竿木刹竟空王殿中沒量大人坐微塵裏

轉大法輪如是一念現王侯公子宰官輔相修種種

殿堂樓閣粧嚴佛土無量功德殊勝妙好如是一念

當道湖州郡侯彭公昔同靈山行不二法門興大佛

事古今不墜常不輕菩薩出來恁麼道有念無念實

際地中但行禮拜恭敬供養若有四衆罵詈毀辱杖

木瓦石而打擲之猶高聲唱言不敢輕與汝等汝等

皆當作佛既然如是且道現何祥瑞天上有星皆拱

北萬民齊沾壯帝都便下座白椎云諦觀法王法法
王法如是

康熙壬寅菊月非指監院領衆居士并諸耆舊請進
院

師至山門云鹿門山勢最威雄瓦礫生輝見本宗面
目雖然無不是百草頭上起雲龍

佛殿云威音一別刻刻不昧步步相隨大展三拜
據室云登此室行此令棒頭有眼明如鏡全提直下
便翻身擬議衲僧喪本性

衆請陞座偶據萬壽方丈出入毗盧頂上須要真參
實悟向前入室乞棒是凡是聖齊來免受閻羅算帳
父母生來非小未生一念全彰便下座

鹿門掛雲板

這雲板擊動無邊每日三時凡聖同食雖是金牛興供養大家滿鉢盛如山鳴板三下云請

衆請陞座師云鹿門祖地元來養道之處任從塵境相對本有自性自在復舉六祖云汝等諸人自心是佛更莫狐疑外無一法而能建立皆是本心生萬種法故經云心生種種法生心滅種種法滅若欲成就種智須達一相一行三昧師云六祖恁麼傾心山僧恁麼舉揚遂卓拄杖云會麼然雖如是吐露乾坤今日失利且道諸兄弟畢竟是何三昧良久云五雲影

裏神仙現手把紅羅扇遮面急須著眼看仙人莫看仙人手中扇便下座

甲辰秋護法席之柯元甫宋并衆居士諸山耆舊請師住襄陽府檀溪禪寺刻棘語錄

至山門師云荒郊路徑明珠在掌八面玲瓏無所不照

佛殿云檀溪一片先天地白馬古今遯佛場覲面全提親得入闢開荒地動雲香

陞座師云襄陽寶地檀溪勝景不待釋迦遺教不顧祖師西來然雖今日秋至百味具足皆從性地發生

10123456789

20

30

此性地在儒放之則彌六合卷之則退藏於密在釋
充滿於法界普現一切羣生前在道清虛恬淡盡知
無爲仍有大文武宰官鄉紳文學諸上善人耆德同
歸性地性地且置舉昔日世尊同諸上善人遊一荒
村世尊指地曰若有賢愚長者此處宜建一梵刹隨
有長者拈一莖草於指處挿世尊曰建梵刹竟雖然
世尊婆心太切船上座不然今日同諸上善人開荒
刻草何故嚮喝開雲面失却鼻孔卓拄杖擊香几三
下便下座

建祖師堂潘珍居士請陞座師云祖師法窟列聖風

規初建祖堂預先一著檀溪久廢聚在當然且四衆
興從無邊佛果給孤祇園皆因性地如何是性地嚮
豎起扇子云大家著力復喝一喝下座

豎禪堂王曹二居士請陞座師云天晴罕遇今乃黃
道之期創開檀溪舊制弘揚佛祖叢席人人豎起脊
梁個個脚跟點地王曹二居士捐金領衆所建馬祖
儀容選佛場中受記不負襄府衆檀護持是凡是聖
同在者裏然雖如是今日豎梁一句作麼生道架木
同巢鳥喜事鑿斧痕雖是劫灰後枯樹又龍吟
懸鐘衆居士設齋請陞座師云者箇鐵漢威振乾坤

高懸妙界報達四恩靈山感應大轉法輪音聲清雅
明暗超生遠近檀那增益光輝增益光輝且置音聲
一句又作麼生道便擊鐘三下

檀溪掛雲板

師云曲曲彎彎俊俊板板鐵面無情音聲有感二時
粥飯聞者充滿擊板三下

建韋駄殿元甫宋國傑吳領衆請陞座地是舊基木
是松柱韋駄聖殿佛法興隆仍有文學宋公吳居士
等領衆捐資所建不朽今日山僧登座舉唱北斗恭
惟衆檀越微星當照雖然如是萬卉叢中插高標大

家扶起棟梁柱喝一喝下座

打三小參

今夜打三落堂晚參父母未生面目眉橫鼻直無容
擬議思量未生全現紅爐飛雪片通身自紅爛紅爛
未生面業識自消散無生無死漢出衆便相見良久
云若有紅爛漢請出相見僧問無天無有地請和尚
道一句師云立在甚麼處僧便喝師便打云喝卽不
無僧禮拜師又打云一一問過方可不往打三

解七小參

師云玄峯掛劍檀溪重開壁立千仞特地翻身若有

機述

卷之二

特地翻身請出相見僧問擒縱殺活卽不問如何是一堂風冷淡師云卽有閻黎證盟進云證盟個甚麼師便打僧一喝師復打僧又喝師又打云落七落八僧禮拜退問如何是七中七師豎拄杖進云萬峯頻撒手師便打僧禮拜師云未是汝放身處問如何是檀溪師便打僧一喝師又打進云青龍皎皎遠檀溪正是獅子哮吼時師打云哮吼個甚麼進云會記那時推半語看看落在曰窠裏師云如何是你曰窠裏僧擬議師復打問如何是檀溪賓中主主中賓師云截斷葛藤進云檀溪一曲安天下南北東西一口吞

師打云你作麼生吞進云有人作得塵中主大家齊唱太平歌師又打云閒言語僧禮拜問和尚上堂有蹠蹠手擎一棒便問機各人若知生死路降龍伏虎誰個知師打云切莫亂道問和尚千山萬水到此何事師云爲你不啣畱進云和尚途路辛苦師打云切莫亂跳僧禮拜問如何是最上一乘師云不少鹽醬僧禮拜師云是甚麼味僧擬議師打云好箇典座問如何是佛師便打進云如何是法師復打進云如何是僧師又打云是甚麼僧向前一推師打云未在問十年瞻仰千里追風且道這裏是甚麼人境界師云

你在那裏藏身進云要會其中些子意因地嘶聲劫外春師云未是你藏身處乃云岳嶺峯頭橫出一枝蔭覆大千且道是何人境界是我法弟牧翁和尚踏遍祖師法窟忽至檀溪草舍說戒打七婆心片片如綱領雪上加霜徹骨徹髓特爲諸人打七皮膚脫落杲日麗天毫髮無私一點無會無會且止復舉古人云如何是祖師西來意明明百草頭明明祖師意祖師意覲面相承百草頭上展手摸不著及至摸不著又道意在何處絕後再甦再甦一句作麼生道身在海中休覓水日行嶺上莫尋山卓拄杖云參

浙江嘉興府秀水縣王仲羨請藏經回山上堂拈香云此一瓣香不從天降不從地湧這裏無礙爇向鑪中供養龍藏法寶摩訶般若波羅密經并諸佛菩薩垂慈祐民之種復拈香云不忘信念焚向鑪中供養居士合家眷等天恩賜福壽子孫永遠極樂指經云三藏經文出自西乾流傳震旦洪波浩渺白浪滔天恁麼普潤乾坤來也三世諸佛歷代祖師從此出從此入四生九有從此得從此證雖然如是萬古碧潭空界月再三撈撦始應知且道知箇甚麼止止不須說我法妙難思喝一喝下座

撰述

村井藏傳金鑑不一

卷

上元日轉藏經樊城登選劉居士設齋請上堂維那
問世尊昔日 在鹿野苑與諸大弟子常言分別心性
一不在內一不在外不在中間請問和尚卽今在甚
麼處師云腦後看取僧一喝師云這一喝從甚麼處
來進云紅爐一點分清白拄杖頭上取分明師云非
汝境界僧禮拜問向上一路卽不問轉經以後作麼
生師云你從那裏問來僧一喝師打云落在甚麼處
進云棒頭點出金剛眼檀溪寺裏選佛場師云烈虛
漢僧禮拜知衆問向上宗乘卽不問牛頭未見四祖
是如何師云片雪紛紛進云見後如何師云冰消瓦

解

宋蕡菴居士問未有身心世界以前如何是本來面
目師云句句分明白士云水窮山盡看師打云看的甚
麼乃云本來全體離聲離色物外風光非僧非俗妻
至曠劫智辯難測天地覆載之恩日月覆載之照臨
五嶽八寶覆載崔嵬千溪萬渤覆載流注風雲覆載
飄搖樹草覆載榮暢君王覆載萬邦庶民覆載耕樵
聖賢覆載明星天下宗師覆載弘開爐鞴四生九有
承此恩力豎拂云若向這裏識得柳巷花街無非彌
勒肉案酒樓盡是釋迦所謂劉居士衆居士等躬請

無量諸佛祕蜜三藏摩訶般若尊經三天阿僧祇不
離於當念如何是當念的密跡之君不可見猛燄爐
中飛雪片喝一喝云鐵船未泛湘江上先輝寶月照
鞞鞬舉昔日龐居士問馬祖不與萬法爲侶者是甚
麼人祖云待汝一口吸盡西江水卽向汝道龐居士
言下大悟馬祖別曲玄音龐居士葉落歸根今日若
有人問檀溪不與萬法爲侶者甚麼人向他道待汝
推倒真武玄峯卽向道野水連天現白浪送新春下
座

師誕辰靈照寺電樞法兄設齋請陞座白椎畢全機

法姪問爐煙裏白燭影搖紅寶座高登人天爭祝世
尊昔日初生便指天指地和尚今朝出世有何利物
利人師卓拄杖云只者個進云未生前事是如何師
云左南右北進云世尊未離兜率已降王宮未出母
胎度生事畢和尚今朝是同是別師云亦任上座揲
掇進云恁麼雲邊木馬嘶風去海底泥牛吼月來師
云吼甚麼僧便喝師打云放過卽不可僧禮拜歸位
問雲散天邊月春來樹上花善財參遍處黑豆未生
芽如何未生芽的事師云珊瑚枝枝撐著月僧便喝
師云喝個甚麼僧無語問和尚大開禪社萬色新龜

提
記

卷之二

七

毛縛住玉麒麟青州一領舊布衫而今提起又重新
卽不問父母未生已前事如何師云蓋覆不得乃云
今乃母難之期若道不生今已生若道不死卽今父
母在甚麼處在我拂子頭上放大光明來也拂子道
船上座你坐曲氈牀亂做亂說我本在淨白地莫塗
汚好船上座向爾道是我電樞法兄從滇雲六千餘
里到來特爲你興揚般若恁麼轉見不堪自知塗污
拂子道然雖如是惹得我入泥入水船上座云不因
漁父引怎得見波濤復舉世尊未離兜率已降王宮
未出母胎度人已畢世尊旣未離兜率將甚麼出身

未出母胎將甚麼說話然雖世尊說得乾乾淨淨船
上座不然何故不動揚古路容得悄然機卓拄杖下
座

山主柯公與大衆等請師上堂爲

襄戎府彭公副戎府呂公上梁拈香師云此一瓣香
根透威音劫外風光焚向爐中供養釋迦牟尼如來
諸大菩薩皇圖永固地潔興寧復拈香云此一瓣香
護法宰官各衙助貴高登祿位挺柱石於朝中復拈
香云此一瓣香千莖草上萬卉叢中拾來爇向爐中

10

1

2

3

4

5

6

7

8

9

20

1

2

3

4

5

6

7

8

9

30

1

供養本府鄉紳文學居士遠近列刹者舊等岸上座
 白椎云法筵龍象衆當觀第一義監院問初年荒地
 難支持三載於今未展眉因緣至日纔相趁時來大
 雄占舊基上梁重新卽不問如何是無陰陽基師云
 立在甚麼處僧無語師便打知客問向上宗乘卽不
 問中興檀溪事若何師云溪澗水長流進云如何是
 檀溪境師云溝壑崎嶇進云如何是境中人師云地
 上得力進云有水皆含月無山不帶雲師便打僧一
 喝師云別道一句僧無語師云有頭無尾于居士問
 如何是檀溪白雲起師云高著眼進云溪水長流因

甚不斷師云虧爾打濕脚跟進云雲淨水乾向何處
 安身立命師云向眉毛上看取進云且道如何安排
 師便打進云除却這個又作麼生師復打進云和尚
 止有這一掌師云汝又如何進云請和尚別道一句
 師云雲散青天現春至百草香進云謝和尚慈悲謝
錄乃云乾坤正氣潤樂太虛超聲越色露出佳珍佳
 珍且止今爲諸大護法宰官襄戎府副戎府捐金又
 山主文學衆居士等現座共報佛祖深恩雖然如是
 上梁一句作麼生道飛拂云棒頭湧出瀟湘月四海
 清平及第歸白椎云諦觀法王法法王法如是下座

撰述

釋氏傳記卷之二

三

向梁云金梁玉柱寶殿生輝衆姓檀越著力高昇
峴山先和尚三週以并降生小叅

維那問雪地選佛徹骨寒徹骨寒卽不問如何是選
佛場中事師打云向這裏看進云蒙師指示師云指
箇甚麼進云丙丁童子來求火師復打僧便喝師云
者箇孟八郎堂主問冬至一陽生大地透金鈴金鈴
卽不問如何階級上事師云如何階級下事進云不
落階級師便打僧頓腳師復打悅衆問世尊於靈山
會上云吾有清淨法眼涅槃妙心清淨法眼卽不問
如何是涅槃妙心師云汝還知否進云這個人人本

有個個不無因何不悟師便打僧便喝師云又是第
二個進云杖頭有眼明如日架裟籠裏袖乾坤師云
那裏學來的進云對面不識師云正是不識僧一喝
師復打知客問昔日馬躍檀溪今朝和尚重建鐘鼓
齊鳴龍象交參請問空王殿上誰人作主師云你在
甚麼處進云龍飛海外虎沃庭前卽今是甚麼人竟
界師便打知殿問如何是萬法歸一一歸何處師便
卓拄杖進云這一卓在何處師便喝僧隨喝師打云
者個相隨漢直歲問今日小參爐烟方燦朦朧相伴
皆空請問和尚向甚處住師云在汝頭上知浴問天

上天下無如佛因甚麼有生有死師云十字街頭看
余居士問佛在靈山會上說四十九年法因甚麼不
會道著一字師云太分明進云但有言說都無實意
和尚今日又說個甚麼師云重下註腳進云有眼不
觀華藏界有耳不聞舍利聲又在甚處作活計師云
舉頭天外看進云降龍不出全體現師云切莫眼花
乃云昔日高峯妙祖師云海底泥牛銜月走崖前石
虎抱兒眠鐵蛇鑽入金剛眼崑崙騎象鷲鷲牽謂中
有一句能殺能活能縱能奪若人檢點得出參學事
畢雖然高峯老漢說得乾乾淨淨白浪滔天不免鼻

孔落在船上座手裏何故聲氣息猶在船上座卽不然亦有四句脚跟下放大光明眉毛上入泥入水南瞻部洲打鼓北俱盧洲唱和謂中有一句能殺能活能縱能奪若人檢點得出參學事畢且道是那一句豎拂云珍重便下座

師誕日林泉寺梅和尚同當家師請陞座明法問昨宵連夜雨今朝日放光年年遇此日母恩却難忘今日現在卽不問如何是父母未生前的事師打云這裏看取進云除却這一棒是生是死師又打云者孟八郎漢僧禮拜知客問如何是第一玄師云拄杖頭

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

木刻印行

正

上看進云如何是第二玄師云兩耳對兩肩進云如何是第三玄師云鼻孔不離口皮邊進云如何第一要師云眉毛眼上照進云如何第二要師云擦空飛木鷄進云如何第三要師云日輪當午照進云三玄三要蒙師指示師云若無指示作麼生道僧便喝師打云喝卽不無速道速道乃云天地同根萬物一體古今佛祖不易靈明聲色無遺現前衆兄弟皆與不得且置梅和尚居林泉當家師同諸大德詣荒山賤辰敦請無生之生是生一句作何行履梅和尚當家師赤足不惜拖泥帶水豈不爲無生耶然須如

是船上座也入泥入水若無意耶從何處得來言無展事語亦非機絕後承當不爲我母難之期同諸兄弟母難亦能透脫透脫且止昨日風雨來相聚泥裏足踏野石青下座

槐樹舗奇居士領衆設齋請小參

師云僻荒二載衆請結冬不避寒暑直下承當請出相見堂主問從上佛祖以來無一法與人今日衆居士設齋和尚將何法示與大衆師云一鋤一筭進云香烟散處向甚麼去師云知落處麼僧一喝師云這一喝從甚麼處來僧又喝師云喝驢喝馬僧禮拜師

便打悅衆問古人道舉心則錯動念則乖不舉心不動念又坐在無事甲裏且道作麼生得相應去師云錯進云如何是不錯處師便打僧一喝師云喝卽不無師又打乃云父母未生前一著眼不見耳不聞鼻不臭舌不味身不知意不入赤條條光灼灼無人無我無外無內這裏轉身便是面目如是眼見如是耳聞如是鼻臭如是舌味如是身用如是意思絲毫無礙萬象森羅頭頭顯露法法全彰觸目皆真隨處作主刹刹塵塵盡在這裏還會麼雲聚天邊月水向長江流下座

打七滿小叅

佛基問紅爐點雪片雪壓又生芽師打云是雪片是生芽基一喝師又打乃云七日已滿亦當放憇若是惺的無處不是轉身若未惺的不離方寸中有一無位真人在汝等面目出入亦如虛空放箭似地擎山步步踏著孤峯頂上敲風弄雨日輪當照豈有遮蓋耶然雖如是機下無覓處未聞原在閃電間震威一喝卓拄杖歸方丈衆隨禮拜師又云打開布袋口放出一羣牛衆又禮拜

山主元夫宋公爲先君請小叅

師對靈揮拂指棺云這個是生耶是死耶若是生耶
深固幽遠無人能到若是死耶華堂露柱笑嘻嘻若
然如是生亦不生死亦不死作麼是生亦不生死亦
不死底春風鼓舞乾坤濶指出山河大地青大地青
且致舉世尊昔日示寂入金棺勅阿那律尊者升忉
利天告摩耶夫人自天而下世尊已入滅矣摩耶遂
到金棺撫掌三下世尊是吾之子子是吾之佛因甚
麼不與我說一句佛法而入滅已世尊復于金棺趺
坐爲母曰生滅滅已寂滅爲樂雖然世尊如此婆心
太切不免死中得活何故日月輪轉微星當照便一

喝下座

居士何有功宋節芝爲母請小參

師對靈云生死事大無常迅速若識一念能了迅速
如是不識生死事大卽今宋善人作福修因還有念
無念拄杖子振威云說甚有念無念突出苦海無邊
界風從花裏過來香拄杖下座

衆請結制小參

悅衆問古刹重興開爐結制龍象交參聚會衆師覲
面請師指示師云棒頭有眼明如日進云請師畢竟
如何指示師便打云是賞是罰進云賞罰俱濟蒙師

授述

卷之二

七

指示師復打堂主問烈烈寒風鎖重重玉露封大冶
添金炭紅爐紫氣生和尚今日煅煉甚麼師便打云
爲你不啣畱進云一棒開天眼山空逆日紅師復打
知客問刮地包天因甚本無真儀師云問底甚麼進
云輝古騰今不漏毫毛師云落七落八進云恁麼則
心地不栽閑草木滿途荆棘繞蓮花師云落索不少
便打乃云止靜開靜本來清淨覲面當軒如是明鏡
打破鏡時月映千江宛然頭頭如是本來面目在天
如天在地如地在山如山在沃如沃在生如生在高
如高在底如底在聖如聖在凡如凡道這裏有甚麼

憑據所以天堂如是地獄地獄如是天堂船上座與
諸兄弟特此尋個長安樂底法門長安雖要本分清
白本分清白萬象之中無處不是本來面目船上座
開兩片皮打鳳羅龍透出生死關生死關如何透飛
拂云舉頭天外看誰是個中人下座

禮千佛懺會徐劉郭戎王養貴居士等請小參

師云妙法蓮華經者統諸佛降靈之本若有知本者
請出重序良久徐居士出問三千七百則公案卽不
問如何是弟子行住坐臥無礙底消息師云來者是
誰意士云石不離山師云還推得倒麼士云和尚道

破了也師便打乃云題目現在至理言全無處不是妙典所以道釋迦老子出世四十九年說塵說刹說如是三藏十二分教總是說心說性若是大丈夫漢向佛未出祖未來不可以眼見耳聞意思處直下承當全機透脫更有轉身可以祝無疆聖壽可以報答四恩懺滅冤愆以此積福延齡所謂道心外無法法外無心一瞻一禮心地法門不假他力豎拂子云釋迦老子轉大法輪度生了也且道見麼卽今在汝諸人鼻孔裏出氣

復舉乾峯和尚僧問十方婆伽梵一路涅槃門未審

路頭在甚麼處峯拈拄杖畫云在這裏僧又問云門門拈扇子云扇子跨跳上三十三天觸著帝釋鼻孔東海鯉魚打一棒雨似盆傾師云乾峯畫處水底含月雲門道處滿口水霜然雖如是船上座則不然何故擣百撥碎且道路頭在甚麼處拽拄杖下座

解制九女塚張太和居士請小參

師云不受結解縛者請出相見嚮谷禪師問正月去二月來眨眼九盡百花開結制卽不問今日解制事如何師云打開布袋口上座出頭來進云解後如何師云收拾布袋你又作麼進云弄花香滿衣師云舉

頭天外看誰道出頭人問和尚說進說出說是說非
眼光落地向何處去師云向客房裏安僧無語乃云
去歲結非結今歲解非解新舊不同圖寒暑侵不壞
大家團圓頭滿口嚼生鐵衆中若有飢虛者觀世音
菩薩將錢買糊餅放下手來却是慢頭須是觀世音
菩薩百味具足船上座不然本無一文和盤托出放
下手來充滿虛空既然如是大衆解在甚麼處喝一
喝下座

封板小參

師云久旬已解春風浩浩青光騰騰萬象森羅頭頭

發生百草頭上佛祖全身本地分明步步踏著且道
百草頭上話箇甚麼兔角撐雲露洪爐點片雪直下
承當處生死不相關震威一喝下座

示衆法語

師云塵世國中鬧鬧烘烘惟我林下烘烘道道雖是
清淡家常個個本有一燈久被塵牢關鎖衆中若有
不被關鎖者麼良久云諸上座無不是燈燄燄騰騰
下座

貼單法語

衆執事乃叢林綱紀修行柱石所謂名號貼單弘揚

佛祖慧命各自根本智量不息勤勞所謂智者智能
天地智能法幢智能脫苦智能度生智能生福既是
個個本有底智何須船上座開兩片皮也何故過河
雖用渡到岸不須舟撫掌下座

機緣

武昌府護法闍齊武張聯過訪鹿門至方丈待齋
師奉點心公曰者個是維摩鉢師云請下口公良久
師云黑麪點心公曰正好師云山僧罪過又同遊三
高祠公問此間有何景師指云霸王獅子香爐靈溢
泉四景公曰既是荆棘叢中我也插脚師云恁麼跳

公便挽手而已師云慢過

二府彭公訪至便揖笑師云曾在那裏會護法公曰
靈山一會師云者裏不是靈山公曰諸佛所集師云

亦非諸佛公便揖師云貧衲罪過

侍者問明明白草頭明明祖師意如何看取師云百
草頭上看取進云不會師云既不會我舉箇古人夜
座問是誰時有三人答云某甲古云各下一語去一
云彩鳳舞丹霄一云鐵蛇橫古路一云看脚下上座
看三語那一語是進云落後一語是師便一掌進云
謝和尚慈悲師云慈悲甚麼進云只是道不出師云

出也者向前禮拜師云拜甚麼進云明明白草頭明
明祖師意師便打云錯

師住嘉禾古心菴掩關機緣

雲峯雪尸兄有家像一軸師云請出看尸便開軸師
云像在者裏真在甚麼處尸云又要多說師云若不
說怎得見尸良久師云圓滿好像

月溪參禮云弟子淡泊無有一點供養和尚師云者
一見真供養進云若某甲不見是有是無師云好與
三十棒進云某甲罪過師云好生懺悔僧便禮拜師
云果然

俞公相訪送至橋頭公曰這個妙用誰人知師云相
公公便應諾師云者個響公曰這一點過不得師云
請過橋公便過橋師云相公公便回顧師云過不得
去

李公至佛前曰先拜和尚先拜佛師云一任顛倒公
曰問過好拜師云好與三十棒

居士參師曰居士何處士云特來禮拜和尚師云拜
個甚麼士云長齋看楞嚴法華經師云諸法常無性
信心甚麼士云實樂及樂想師云莫妄想
趙長源居士問和尚出身何不快活師云知音者少

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 60

撰述

卷之二

三

士云大家在者裏師云者裏甚麼士云說箇知是不知底師云莫打作兩橛士便禮拜

有僧呈十三問請師就答

有時明歷歷有時黑漆漆明歷歷卽不問黑漆漆事如何師云不許夜行投明須到大通智勝佛十劫坐道場因甚佛法不現前不得成佛道師云阿誰謾他金剛經云一切賢聖皆以無爲法因甚却有差別師云家醜不可外揚大徹底人本脫生死爲甚命根不斷旣未斷叫做大徹底師云樹大招風盡大地是個火坑得何三昧因甚不被燒却師云一雨

普潤胡來現胡漢來現漢道是鏡體是鏡用師云無水不朝天摩尼寶珠久埋沒塵土中如何急切覓得師云照破老面皮日用尋常且道作麼生受用師云明月引清風盡大地一隻水牯牛且道他向甚麼處收師云換却繩索天地與我同根萬物與我一體因甚却有分別師云千江有水千江月盡大地死人無數且道如何救得師云善哉善哉人人本有個個不無爲甚不薦取師云和盤托出六隻骰子滿盤紅道如何一賽師云鉢盂口向天

師垂五問請客師下語

臨濟是忤逆之子聞者盡皆愕然因甚道人正法眼藏答云賞罰分明雲門出口便答一字理事俱全且道文彩未張時是有是無答云入水不動波瀾仰父慈子孝既是父慈子孝因甚作水牯牛去答云知恩有分曹洞能金針玉線且道盡大地人有多少摸著鼻孔答云鬍張三黑李四法眼道三界惟心萬法惟識却心意識道將一句來答云雪土加霜

世尊像讚

明星大覺仙聲震遍三千不思善惡法前三與後三

達摩像讚

鐵壁銀山誰謂者漢者漢真常無罣無礙須無面目隻履便見

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之二

三

梓舟船禪師襄陽檀溪語錄卷之二

侍者明輝錄

拈頌

龍牙問德山學人仗鎧鋤劍擬取師頭時如何山引
頸近前曰因牙曰頭落也山呵呵大笑

拈云德山雖則口吞佛祖眼蓋乾坤若不是龍牙
怎得名振今古還識口吞佛祖麼

頌曰持來寶劍最威雄引頸能摧萬刃鋒因地一
聲宇宙轉誰能到此覓形踪

僧問德山如何是菩提山打曰出去莫向這裏廝

拈云德山婆心片片怎柰這僧眼內無動然雖如
是黃金自有黃金價終不和沙賣與人
頌曰正令全提萬古傳將軍塞外絕妖氛太平本
是將軍定不許將軍見太平

僧問泉州玄訥禪師如何是觸目菩提泉曰閻黎失
却半年糧曰爲甚麼如此泉曰祇爲圖他一斗米
拈云泉州只解孤峯獨步不解入水求人若論船
上座要且不然何故顰不見道口頭只爲貪些味
腳底芒鞋踏老長

頌曰觸目分明何用參幾人到此落二三頭頭不

是拿龍手敢教身光耀百川

六祖源流

第一世南嶽讓禪師詣曹溪參六祖祖問甚處來師
曰嵩山來祖曰什麼物恁麼來師無語遂經八載忽
然有省白祖曰某甲有個會處祖曰作麼生會師曰
說似一物卽不中祖曰還假修證也無師曰修證卽
不無污染卽不得祖曰卽此不污染諸佛之所護念
汝旣如是我亦如是

拈云讓老漢到曹溪被六祖一拶遂經八載道個
染污不得祖曰如是如是不免染污了

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

頌曰七八年來苦用工閒樵到此樂無窮泥牛踏
破澄潭月萬象森羅露古風

第二世馬祖一禪師衡嶽山中習坐禪讓師知是法
器到山問曰坐禪圖作甚麼師曰圖作佛讓乃取一
磚於石上磨師曰磨作甚麼讓曰磨作鏡師曰磨磚
豈得成鏡讓曰磨磚既不成鏡坐禪豈得成佛師曰
如何即是讓曰如牛駕車車若不行打車即是打牛
即是師無對讓示偈曰心地含諸種遇澤悉皆萌三
味華無相何壞復何成師蒙開示心意豁然

拈云磨磚作鏡瓦礫生輝坐禪成佛不撥自轉打

牛打車莫作兩橛含種遇澤頭角崢嶸然須如是
南嶽失利馬祖失利何故具眼者斷

頌曰衡山冷坐幾經秋踏碎磚頭白汗流鞭影橫
行含諸像輕輕撥動百草頭

第三世百丈海禪師叅馬祖侍祖行次見一羣野鴨
飛過祖曰是什麼師曰野鴨子祖曰甚處去師曰飛
過去也祖遂搘師鼻負痛失聲祖曰又道飛過去也
師於言下有省次日祖陞堂衆纔集師出捲却席祖
便下座師隨至方丈祖曰我適來未曾說話汝爲甚
便捲却席師曰昨日被和尚搘得鼻頭痛祖曰汝昨

日向甚處留心師曰鼻頭今日又不痛也祖曰汝溪
明昨日事

拈云馬祖搘鼻老婆心切百丈捲席符道奉行曰
甚處留心無風起浪丈曰今日不痛也鼻孔向天
曰溪明日事各與三十棒何故賞罰分明
頌曰撩天鼻孔却翻威勢面無容捲席歸不是如
今閑家具無毛鐵鷄上天飛

第四世黃檗運禪師叅馬祖值祖遷化百丈廬於墓
側師請問平日得力句丈舉再叅因緣言老僧被馬
祖一喝直得三日耳聾師聞舉不覺吐舌丈云子已
堪傳授子甚有超師之見

拈云百丈一舉黃蘖吐舌雖然如是還我舌根來
頌曰心廓聞雷著一驚耳聾三日舌頭鳴雄峯虎
口尋常事倒卷黃河徹底清

第五世臨濟玄禪師在黃蘖會下時睦州爲首座勉
令問佛法的大意蘖便打如是三問三度被打遂
辭蘖蘖令叅大愚愚問甚處來師曰黃蘖來愚曰黃

藁有何言句師舉前話云不知某甲有過無過愚曰黃蘖恁麼老婆心爲汝徹困猶覓過在師於言下大悟云元來黃蘖佛法無多子愚擣住云這尿牀鬼子適來道有過無過如今又道佛法無多子見個甚麼道理速道速道師便向大愚肋下築三拳愚拓開曰汝師黃蘖非干我事師回黃蘖藁曰來來去去有甚了期師曰只爲老婆心切藁曰大愚饒舌待來痛與一頓師曰說甚待來卽今便打隨後便掌藁曰這風顛漢叅堂云

拈云三頓痛棒臨濟抱贊叫屈大愚一點轉見不

堪若不恁麼痛恨難酬

頌曰三頓橫開令自行還因漁父指前程風顛直到忤逆後聞者俄然心膽驚

第六世興化獎禪師初爲臨濟侍者後在三聖會中爲首座常云我在南方行腳一遭拄杖頭不會撥著一個會佛法的人三聖聞得問曰汝具甚麼眼便恁麼道師便喝聖曰須是汝始得又到大覺爲院主一日覺曰聞汝道南方行腳一遭拄杖頭不會撥著一個會佛法的人汝憑個甚麼道理與麼道師便喝覺便打師又喝覺又打來日從法堂過召院主我直下

疑汝昨日兩喝師復喝覺復打師又喝覺又打師曰某於三聖師兄處學得個賓主句總被師兄折倒也願與某個安樂法門覺曰這瞎漢來者裡納敗闕脫下衲衣痛與一頓師於言下薦得臨濟先師於黃蘖處喫棒底道理

拈云興化學得一喝便爲奇特若不是大覺怎得到興化大衆利害在甚麼處

頌曰理事掀翻棒下穿祖翁面目如然珍羞百味都傾盡石筍抽條分外鮮

第七世南院顥禪師上堂云赤肉團上壁立千仞時

有僧問赤肉團上壁立千仞豈不是和尚語師曰是僧便掀倒禪牀師曰看這瞎驢亂做僧擬議師便打趁出

拈云南院舉壁立千仞者僧掀倒禪牀也是白雲弄孤峯

頌曰千峯頂上任開口掀倒禪牀坐北斗獅子露牙誰敢驅岩前石虎抱兒吼

第八世風穴沼禪師參南院院問南方一棒作麼商量師云作奇特商量師却問此間一棒作麼商量院拈拄杖云棒下無生忍當機不見師於言下大徹玄

拈云風穴問一棒驚羣動衆院曰棒下無生忍風

穴自取喪身何故冤有頭債有主

頌曰自南自北往敲磕棒下無生迸出血萬里一條生鐵柱聲名不見勝奇絕

第九世首山念禪師居風穴勉令師擔荷大法師曰願聞其要穴遂上堂舉世尊以青蓮目顧視大眾曰正當與麼時且道說個甚麼師拂袖下去穴擲拄杖歸方丈侍僧問念法華因甚不抵對和尚穴云念法華會也次日念與真園頭同來問訊穴問如何是世

尊不說說真云鶴鳩樹頭鳴意在麻畬裏穴云汝作許多癡福作麼何不體究言句乃問師師云動容揚古路不墮悄然機穴顧真云何不看念法華下語

拈云首山晚居風穴一言以動萬波隨首山若無後句幾乎天地懸隔

頌曰體究開言莫妄穿無言無說是真傳從來不見未生面古路無容豈動然

第十世汾陽昭禪師叅七十一員善知識最後到首山問百丈捲席意旨如何山曰龍袖拂開全體現師曰師意如何山曰象王行處絕狐蹤師於言下大悟

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

云萬古碧潭空界月再三撈撈始應知首座問曰是何道理便爾自肯師曰正是我放身命處

拈云汾陽叅七十一員知識未後始透且道透個甚麼雖是海底泥牛啣月走老不知羞

頌曰捲席聞雷徹底清孤踪異目有何憑據魂須放三分雪月映千江絕點塵

第十一世石霜圓禪師謁汾陽經二十年未許入室每見必詬罵一日訴曰自至法席不蒙指示念歲月飄忽已事未明有失出家之利語未卒汾叱曰是惡知識敢睥犯我怒舉杖逐之師擬申救汾掩其口乃

大悟曰是知臨濟道出常情

拈云石霜慈明老漢須在汾陽二十載若不口稱爭得雪上加霜

頌曰二十年來不假真燈籠露柱轉法輪擬申掩口無窮盡百草頭邊古佛心

第十二世楊岐會禪師久依慈明總院事每恣叅明日庫司事繁且去他日又問曰監院異日兒孫遍天下何用忙爲師然去一日明出師值之小徑擣住曰老漢今日須與我說不說打汝去明曰知恁般事便休語未卒師大悟一日明上堂師問幽鳥語喃喃辭

雲入亂峯時如何明云我行荒草裡汝又落淡村師
曰官不容針更借乙問明便喝師曰好喝明又喝師
亦喝明連喝兩喝師禮拜明曰此事是個人方能擔
荷師拂袖便行

拈云楊岐好不丈夫慈明不成君子若不如是獅
子兒失威

頌曰事繁仍舊未會休不是冤家不聚頭拂袖至
今無可據變驢變馬自悠悠

第十三世白雲端禪師叅楊岐岐問受業師是誰師
曰茶陵郁和尚岐曰聞渠過橋遭癩有省作偈甚奇

能記否師卽念曰我有明珠一顆久被塵勞關鎖今
朝塵盡光生照見山河萬象岐笑而趨起師愕然通
宵不寐黎明咨決岐曰見昨日打敵讎者麼師曰見
岐曰渠愛人笑汝怕人笑師大悟

拈云白雲作偈被楊岐一笑水脉不通如何是不
通底無處不是白雲

頌曰見人便問意何然塵盡光生四海傳謾把繩
頭穿鼻孔白雲微動笑青天

第十四世五祖演禪師叅白雲問南泉摩尼珠話雲
叱之師領悟獻投機偈曰山前一片閒田地叉手可

嘯問祖翁幾度賣來還自買爲憐松竹引清風雲爲
許可令掌磨事未幾語雲曰有數禪客從廬山來皆
有悟入處教伊說亦說得舉因緣問伊亦明得教伊
下語亦下得只是未在師疑自計曰既悟了說亦說
得明亦明得如何未在叅累日忽省悟從來寶惜一
時放下見雲雲便手舞足蹈師一笑後示衆曰吾因
此出一身白汗明得下載清風

拈云演祖偈曰山前一片閑田地摩尼珠却雖放
光縱然識得也未在

頌曰賊人識賊自稱名一片閑田萬像生朝夕不

離家活計口吞佛祖不容情

第十五世圓悟勤禪師爲五祖侍者一日部使詣祖
問道祖云提刑少時曾讀小艷詩否有兩句頗相似
頻呼小玉元無事只要檀郎認得聲師云只要檀郎
認得聲旣認得聲爲甚却不是祖曰如何是祖師西
來意庭前柏樹子潭師忽有省遂出見鷄飛上欄干
鼓翅而鳴乃曰此豈不是聲遂呈偈曰寶鴨香消錦
繡闌笙歌叢裡醉扶歸少年一段風流事祇許佳人
獨自知祖謂耆宿曰吾侍者叅得禪也

拈云悟老漢須有陷虎之機五祖有拿龍手段船

上座不然與你打箇鄉談綿州附子漢州薑

頌曰誰人不愛賣風流若不知音會肯休豈可尋
聲逐色染龜毛數尺長雲頭

第十六世虎丘隆禪師謁圓悟悟問見見之時見非
是見見猶離見見不能及舉拳云還見麼師云見悟
曰頭上安頭師聞脫然契證悟叱曰見個什麼道理
師曰竹密不妨流水過悟肯之有問祖曰隆藏主柔
易若此何能爲悟曰瞌睡虎耳

拈云虎丘若不眼花怎得頭上安頭然雖瞌睡不
覺常安

頌曰舉個拳頭探睡虎脫然跨跳在北斗水流竹
密少人知出入獐龍大張口

第十七世應菴華禪師依虎丘半載頓明大事隆忌
日師拈香云平生沒興撞著這沒意知老和尚做盡
伎倆奏泊不得從此卸却干戈隨分著衣喫飯二十
年來坐曲彖牀懸羊頭賣狗肉知他有甚憑據雖然
一年一度燒香著呂千古令人恨轉深

拈云應菴頓明大事具他明個甚麼事鼻孔臭些
氣味至今不絕

頌曰卸却干戈起息烟清風明月照靈筵羊頭狗

肉親身喫氣味熏熏鼻撩天

第十八世蜜菴傑禪師叅應菴一日菴問曰如何是
正法眼師曰破沙盆菴領之

拈云蜜菴老漢問答雖然體用雙全不免向破沙
盆裏藏身

頌曰通商作者海門州豈容討價弄虛頭買得沙
盆傾刻盡歸來便作水牯牛

第十九世破菴先禪師叅蜜菴時蜜住靈隱師分座
有道者請益曰猢猻子捉不住願垂開示師曰用捉
作麼如風吹水自然成紋

拈云春至花開破菴答話風從花裏過然雖如是
無風起浪

頌曰問捉猢猻不住雲返身個裏自成文是人便
踵無中路免見琴音指示君

第二十世無準範禪師初謁育王佛照照問何處人
師曰劎州照曰帶得劎來麼師隨便喝照笑曰這烏
頭子也亂做後至靈隱破菴爲首座同遊石筍菴有
道者請益猢猻子話師於侍傍大悟

拈云佛照破菴二老宿有殺人刀活人劎無準有
出身之路何以見得東家人死西家助哀

頌曰聞者豈容喪身觸體跨跳烟塵識有猢猻穿
鼻坐斷萬機波旬

第二十一世雪巖欽禪師在無準會下每遇入室舉
主人公便可跨跳與衲僧巴鼻佛祖爪牙更無下口
處此病礙在胸中十年後遇浙東天童育王兩山佛
殿前閒行擡眸見一株古柏觸著向來所得境界和
底一時颺下礙膺之物撲然而散始見徑山老人立
地處正好三十棒

拈云雪老漢礙在胸中底始見底立地底不免壁
上掛風車

頌曰無礙容畱十有年風流古柏殿前栽擡頭一
見徑山老明月清風送將來

第二十二世高峯妙禪師參雪巖纔問便打出一日
入室巖便問誰與你拖這死屍來聲未絕便打出一
日偶覩五祖演真讚云百年三萬六千日翻覆元來
是這漢忽省後巖問日間浩浩時作得主麼師曰作
得主又問睡夢中作得主麼師云作得主又問正睡
著時無夢無想無見無聞主在甚麼處師無對奮志
入龍鬚山五載因同宿友推枕墮地作聲廓然大徹
如在網羅中跳出元來祇是舊時人不改舊時行履

自此安邦定國天下太平一念無爲十方坐斷

拈云高峯祖向未問已前十方坐斷天下太平免勞心力

頌曰孤峯能有幾人眠雲撞枕頭撲落穿無夢無聞齊落地泥牛吼動氣吞天

第二十三世中峯本禪師因觀流泉有省詣高峯求正峯打趨出既而民間訛傳官選童男女師問忽有人來問和尚討童男女如何峯曰我但度竹籃子與他師於言下洞然徹法源底峯付法偈曰我相不思議佛祖不能視獨許不肖兒見得半邊鼻

拈云中峯老入水須是長人不免竹籃在手何故脚跟下點地

頌曰拈起竹籃百事全鼻頭尖上水連天展開無用真消息却動阿師起半邊

第二十四世千巖元長禪師叅中峯峯問日用事如何師云念佛峯云佛今何在師擬議峯厲聲叱之懇求法要峯舉狗子佛性話師叅三年聞雀聲有省峯復斥之師憤然夜半忽鼠翻猫器墮地作聲恍然開悟覺身躍起數丈如蟬脫汙泥之中浮游玄間天地一時清明復性質峯問趙州何故云無師曰鼠偷猫

飯峯曰未在師曰飯器破矣峯曰破後如何師曰築
碎方甕峯乃微笑囑曰善自護持時節若至其理
朝拈云鼠偷猫飯本是尋常築碎方甕氣味不息咄
老不識羞

頌曰破後打開沒意志唯恐築碎娘生鼻阿誰鼠
豹露爪牙透出棺材氣味息

第二十五世萬峯蔚禪師謁千巖巖問將什麼與老
僧相見師豎拳云這裏與和尚相見巖問死了燒了
在何處安身立命師云漚生漚滅水還在風息波平
月映潭巖問不是心不是佛不是物是個什麼師以

坐具打圓相父手而立又研松次師拈圓石作獻珠
勢云請師酬價巖曰不值半文錢師云瞎巖云你也
瞎我也瞎師云瞎瞎巖命師爲首座而付囑

拈云者老漢父手而立拈石作珠若不無中生有
難以分座

頌曰瞎瞎同條坐斷機何勞分座弄精魂張三李
四問王老笑殺傍觀不二門

第二十六世寶藏持禪師久參萬峯付法偈曰大愚
肋下痛還拳三要三玄絕正偏臨濟窟中獅子子燈
燈續談古今傳

拈云不會教不會禪所以寶藏老漢續談流芳何故賊不打貧兒家

頌曰久待無爲露端的窟中牙爪雷轟震南山雲起北山雨旭日風光照破壁

第二十七世東明呂禪師親寶藏藏問心不是佛智不是道汝云何會師向前問訊叉手而立藏曰汝在此許多時還作這個是解師乃憤然第二日徹法源底呈偈曰一拳打破太虛空百億須彌不露蹤借問個中誰是主扶桑湧出一輪紅

拈云東明老若不叉手怎得打破太虛然雖如是

狼藉不少

頌曰如是憤然第二日個中舒展露消息原來漏逗遍坤維桃花滿地多狼藉

第二十八世海舟慈禪師初參萬峯舉楞嚴經但有言說都無實義話再拜求峯劈頭兩棒攔背一踏以腳趯云只這是實義師覺會隱居洞庭山二十九年一日僧到師問何處來僧曰安溪師云安溪有人麼僧曰有虛白和尚說法不異高峯師云是誰弟子僧曰寶藏師云有何言句僧舉室中驗人云心不是佛智不是道三藏不是法是什麼下語皆不契僧問師

曾參寶藏否師曰吾與寶藏同參萬峯僧曰當日何所見遂隱於此師曰吾問但有言說都無實義峯便打從此有得更不別參僧曰請言得之所以師云但要人知痛痒的是實義妙心言說盡是皮毛僧笑曰據此見解生死尚未了何得言悟未在不見道心亦不是佛智不是道耶師遂有疑棄菴詣東明遇人設齋師問明今日齋是什麼味明乃打滅燈云識得燈光何處著味方卽到口師無語黎明明遣侍者請師至明日見何人來師笑云見只見一人說來恐驚駭明云假使釋迦牟尼佛依然是個俗漢但說何妨

師云萬峯明云萬峯卽今在什麼處師罔然面赤明云若如此不見萬峯師歸客寮晝夜寢食俱廢忽香燈繩斷墮地頓然大悟明云老闍黎承嗣萬峯去師云公爲我打徹豈得承嗣萬峯明卽陞座云瞿曇有意向誰傳迦葉無端開笑顏到此豈容七佛長文殊面赤也徒然今朝好笑東明事千古令人費唾涎幸得海公忘我我濟宗一脉續綿綿千斤擔子方全付玄要而今拄杖談以拂子擊三擊下座師卽禮謝

東明

拈云海老若不遇東明幾乎渴殺反赤面來救得

頌曰念九年來枉用工燈繩斷落振虛空縱橫自在無餘事赤面文殊作正宗

第二十九世寶峯瑄禪師俗爲木匠與海舟造塔斧傷足痛索酒喫舟往謂曰適來范作頭傷足猶可若斫去了頭縱有千石酒汝能喫否師因止酒求爲僧充火頭一日負柴舟見云將棘刺作麼師云是柴舟呵呵大笑云是柴拿去燒却師起疑云和尚如此問我畢竟是什麼道理刻意叅究因火燄燎眉毛面如刀割以鏡照之豁然大悟呈偈曰負柴和尚喚作

棘火燄燒眉面皮急祖師妙旨鏡中明一鑑令人玄要得舟見便打師奪拄杖云這條六尺竿多年不用又要重拈舟乃笑師又偈曰棒頭著處血痕斑笑裏藏刀仔細看不是英靈真漢子死人喫棒舞喃喃舟曰此偈可紹吾宗

拈云寶峯被火燒眉以鏡照之大悟未照時見個甚麼

頌曰火頭面目皮皴奪得棒頭賣弄鏡照全然無痕爲人勤始勤終

第三十世天奇瑞禪師參寶峯峯問甚麼處來師曰

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

北京峯曰只在北京別有去處師云隨方瀟灑峯曰
曾到四川麼師曰到峯曰四川境界與此間如何師
曰江山雖異風月一般峯豎拳云還有這個麼師云
無峯曰因甚却無師云非我境界曰如何是你境界
師云諸佛不能識誰敢强安名峯曰汝豈不是落空
師云終不向鬼窟裏作活計曰西天九十六種外道
汝第一師拂袖便行峯付法曰濟山棒喝如輕觸殺
活從教手眼親聖解凡情俱坐斷曇花猶放一枝新
拈云天奇老八面玲瓏草偃風行船上座向他道
猶欠一著在

頌曰不存鬼窟活如龍草偃風行恁西東九十六
種齊坐斷青山却在白雲中

第三十一世無文聰禪師參天奇奇問苦樂皆心因
向外取師曰祇爲不了曰是非皆事因何妄承師曰
錯認定盤星曰迷悟皆人因何不性師云早知燈是
火豈向外方求奇付法偈曰道者心同慈嫗心爭教
赤子困羣陰甫成架海金樑子佛缺方知補浩任師
居龍泉寺僧問如是本來面目師曰石香亭僧曰恁
麼去時如何師曰却了也僧問今朝孟夏八日天下
皆慶如來降誕之辰未審如來何處降生師於几上

畫個圓圈

拈云達磨不往東神光不往西無文老漢不了個甚麼若了得錯認定盤星

頌曰早知餒餒是心光照破慈嫗佛海張不盡香亭空費力何勞几上畫圈彰

第三十二世笑巖寶禪師叅無聞問云十聖三賢已全聖知如何又道不明斯盲聞厲聲云十聖三賢爾已知如何是斯旨速道速道師下語不契一日水邊洗菜邊菜墮水園轉捉不著忽有省携籃歸見聞聞是什麼師云是菜曰何不別道一句師云請和尚別

問來師一日與聞圍爐次聞曰人人有個本來父母子之父母今在何處師曰一火焚之曰恁麼則子無父母耶師云有則有佛眼覩不見曰子見否師云某亦不見曰爲什麼不見師云若見卽非真父母呈偈曰本來真父母歷劫不會離起坐承他力寒溫亦共知相逢不相見相見不相識爲問今何在分明舉似師聞曰只此偈堪紹吾宗

拈云笑巖老漢携個無底籃有些承載若遇船上座一喝有火也難燒

頌曰携籃問著不曾離覩面相呈放過伊父母火

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

焚親薦得灰飛烟滅報親慈

第三十三世幻有傳禪師聞燈花爆有省遊方參笑嚴求正嚴曰汝從前得力處一一說來師具實說語半嚴躉出鞋云向這裏道一句遂把師話打斷因通夜不寐明晨立簷下嚴見喚師師回顧嚴翹一足作修羅障月勢師當下脫然嚴入室曰我這拄杖要與人有要底麼首座曰某甲要嚴曰要他做甚麼座曰要他剝斷天下人舌頭嚴以杖駕肩曰榔櫟橫肩不顧人直入千峯萬峯去師躍然下禪牀曰若恁麼須付某甲往前迎揖嚴笑曰汝當久久執持一番始

可打草去也乃贈一笠曰以此覆之無露圭角

拈曰幻老人向燈光裏遊方若不是笑嚴翹一足至今下禪牀不得

頌曰燈花一爆下禪牀頭角崢嶸意氣香一笠含雲蓋不得誰知今日更郎當

第三十四世蜜雲悟禪師挑柴過山澗見一堆柴突露面前遂有省棄家入龍池依幻有和尚脫白請益幻曰汝若到這田地須放身倒臥嗣後惟加罵詈師慚悶交加一日城歸過銅棺山頂忽覺情與無情煥然等現正是天地平沉的境界時幻遷北京師乃往

觀幻問汝有新會處麼。師曰一人有慶兆民賴之幻
曰汝作麼生。師曰某得來禮觀和尚曰念汝遠來
放汝三十棒。師抽身便出。一日幻問忽有人問汝何
祇對。師豎拳幻曰老僧不曉得是甚麼意思。師曰莫
怪和尚不曉得三世諸佛也不曉得。一日舉拂問師
諸方還有這個麼。師震威一喝。幻曰好喝。師連喝兩
喝。師歸位。幻囑師扶師法師呈偈曰若據某甲扶佛
法任他。○○○○○都來總與三十棒。莫道分明爲
賞罰。

拈云蜜祖向荆溪銅棺山頂忽覺情與無情被幻

老放倒扶起曉得不曉得也是滿口嚼水霜
頌曰三十棒施便抽身仍知諸佛喪奇神縱橫殺
活分明事獨許巍巍太白真

第三十五世林野奇禪師掩關當湖常叅蜜和尚偈
曰一念未生前試看底模樣。忽一日失足遭跌。有省
卽成偈曰一念未生前六戶絕消息。管耳揚雙眉大
似眼無力卽破關走姑蘇見蜜於清涼菴中便問學
人絕迹而來特爲親近和尚蜜曰莫妄想。師曰未審
還有堂頭也無蜜曰看脚下。師曰不因漁父引怎得
見波濤。蜜曰莫錯會。好師便禮拜後於育王補堂主

值宜興鄭居士設茶蜜舉洞山泰首座因緣索衆下語衆默然師曰食到口邊被人奪却蜜允擺茶是年天童解制上堂舉世尊初生話曰汝等諸人向老僧擬討甚碗拽拄杖下座一時打散師自此全身放下單提棒喝之旨

拈云林師公坐臥玄峯揭出海底泥牛然雖一棒不如全身放下玲瓏岩滴滴

頌曰全身放下枯牛身出入黃堂臥白雲食到口邊親下手拈來道處與君分

第三十六世二隱謐禪師蜀人也初歷講肆次參禪

宗首謁磬山天隱和尚次參雙徑語風老人及見天童蜜雲和尚躬執末務六載一日至偈辭蜜偈曰確志相從歷數春幾呈醜拙幾咨詢慚非斷背機輪疾幸荷陶鎔豹變新拽杖且歸西北地懷人豈負東南答師作禮而出往天台蓮花峯一住又六載不意蜜和尚歸老通玄林師繼席隱師先決意一生作住山人不期壬午秋林師以偈招曰當年送汝住蓮花今日招來也不差脚下且無絲線糾他年吾道可承家師念林師初住相依止林師命書記癸未冬林師結

制陞座師出問今日通玄結制正值嚴寒且道滴水
滴凍還許融化也無林曰爐烟結篆師云恁麼則溪
澗豈能畱住終歸大海作波濤去林便打云你向甚
處去師云且喜和尚證明林復打師禮至甲申冬林
師將衣二頂拂二枚上堂入天衆前付師及自開師
師受囑後明年四月受台州黃巖縣北嵩岩法輪寺
請

拈云隱老師五五通講三九識宗一句大海波濤
去誰知海外露孤峯卽今在甚麼處六六三十六
頌曰通玄峯頂露霜花結果圓成更不差融化古

杭明月照身藏北斗遍天涯

第三十七世梓舟船禪師五歲死母十五去父二十
一歲發心拜白蓮菴映春和尚出家以報父母求脫
生死立定叅究本分映曰如何是汝本心師云不實
映曰我也不實見受庵和尚受指師見雪門和尚處
受戒遊榮華山住茅禮拜法華經華嚴經共三載脇
不至席明末遭寇饑餓死活幾番時念觀世音菩薩
忽聞聲救故遊南海所見十大善知識末後華亭船
子法忍寺見二隱和尚問聞得上座在三塔事如何
師云與和尚不別隱曰如何是不別底師便展兩手

隱云那容得你便打師一喝隱復打師禮拜隱在方丈因打知客師外進云和尚打他爲何事隱覲面一棒師悶死於地隱云一向受棒這番氣息也無師忽然起身失笑隱曰這一死也難得活師云說甚麼死活隱一笑時四載每受痛棒故隱嘉興府古心庵閉關三年二隱師住荆溪保安寺招師出關至一句道來師云破時老人上堂對衆付拂并偈補都監執後隱楚襄陽檀溪寺住茅數年重建開荒語句存焉

梓舟船禪師襄陽檀溪語錄卷之三

聯芳

侍者明恒編次

與維那天德

透海江天泛莫窮吞龍掣電正吾宗燈燈續談堪成
侶收盡英雄雪嶺峯

與書記竟德

心通無心徹底源琴音密付續綿汝今深入吾中
窟展拓騰輝第一玄

與監院常德

當家種草行常年露地白牛吼碧天全身爪牙分付

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

汝頭角崢嶸動大千

與副寺永德

卽心非心永正宗分付銅頭鐵鷁雄充勝行藏湖海
內全提白棒收無窮

與王吉臣居士

龐老崗鸞吸盡儔獨泛淵湖明月舟溪水杖敲無隱
樹那龍烈虎任君收

與明本徐居士

藏身覓跡本來宗天地同根萬象同一吸西江向道
汝充天毒氣收無窮

與明乘劉居士

生死兩頭齊坐斷法王百劫亦難逢聞思乘道鹽官
扇放出明天外風

請藏檀越王居士請留行實

余四川成都府直隸童川州父姓何母姓李生於己
未年三月十六日辰時至庚辰歲發心拜白蓮庵映
春和尚出家以報父母求脫生死立定叅究本分映
曰如何是汝本心師云不識映曰我也不識見受庵
和尚受指師見雪門和尚壬午歲納戒遊榮華山住
茅禮拜法華經華嚴經共三載脇不至席明末遭寇

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之三

饑餓死活幾番時念觀世音菩薩忽聞聲救故遊南
海至保寧府於順治二年又遇大兵盤詰幸有在道
官府送至湖省過江西見翠巖寺得本分又至宜興
見萬如至浙省湖州報恩見玉琳徑山見費隱天童
見牧雲靈隱見具德又天童見木陳三塔見自閒并
諸大老共九載語句不錄至華亭船子法忍寺見本
師二隱和尚問聞得上座在三塔事如何師云與和
尚不別隱曰如何是不別底師便展兩手隱云那容
得你便打師一喝隱復打師禮拜隱誕日衆請上堂
師出問能爲萬象主不逐四時凋如何有生有死隱

云如何是你不生不死底師便提起具云者個慶無
生隱云無生豈有慶耶師云慶一無生隱便打師禮
拜一日隱在方丈因打知客師外進云和尚打他爲
何事隱拍面一棒師悶死於地隱云一向受棒這番
氣息也無師忽起身失笑隱云這一死也難得活師
云說甚麼死活隱一笑時有四載每受痛棒毒氣入
深憤感難酬故隱古心庵遇檀越王公及衆居士送
入隱關供養三載時二隱老人住荆溪保安寺庚子
歲招至隱老人云出關一句道來師云破時老人遂
上堂對衆付拂并偈補都監執辭後隱廬山楚地衆

耆德請住襄州鹿門寺二載後護法副府呂公山主
柯公朱公吳曹衆居士耆德等敦請重開檀溪古寺
不覺數載忽聞二隱先和尚乙巳年六月二十八日
說偈投筆而逝故往下南掃塔至嘉興府間候檀越
王公時公遂發大願捐貲一百六十兩請全藏經送
至湖廣襄陽府檀溪寺永鎮山門衆居士沐手請識
重建大雄寶殿引

襄州西門三里許有古刹焉名馬躍檀溪寺漢王仲
宣之捨宅也玄德會有賜額晉代曾有勅榜二株多
歷年所道安祖師創於前曇翼祖師繼其後當時象

龍雜還獅子噴呻迨至明末法序久虛妖氛疊作重
樓傑閣盡淪草莽唯老宿檀越口記傾危只存殿基
握地忽有鐵身羅漢顯現發心善信穿金光輝已畢
且新結茅屋數間到這裏退身不得欲還舊制聿新
覓個知音有分今資捨有待尚冀貴官哲士茂德仁
人歡喜同施鼎力扶起歷朝梵刹成就自己莊嚴

掃塔拈香法語

四千餘里到來今已一週無縫塔前如何趨敬不肖
拈瓣死猫頭糞向爐中薰透先師鼻孔表祝哀靈我
本師今拂拂授授臨濟正傳入髓今出世天台法祥

棲真船子三塙保安六處名藍大闡爐開分權衡電
轟情與無情利益兮龍驤虎驟永決慈垂接兮空期
未滿百年萬人仰企兮古杭城內擲筆大笑兮頓超
佛祖格外無窮正法眼兮住世少延我不肖子輩兮
恩過太嶽慧如海兮我身無帖愚濁兮不肖哀靈塔兮
下罪莫上饗

宜興芙蓉寺十二景

銅棺疊翠

遙望銅峯護碧雲霜花幾朵挿晴曛寒光萬頃開林
壑石壁層層織翠紋

睡虎隱石

萬山露出石粼粼睡虎崖藏雪覆身踪跡不妨隨處
現爪牙不動暗驚人

二桂流芳

桂熟香飄秋正昌金風花落樹生涼祇園芳跡名垂
遠翠葉扶疏覆四方

屏風曉嶂

鷺嶺西風隱翠屏
鴉鳴鵠噪韻初成
清風萬古摩青嶂
無限風光俱有情

獅崖晚眺

未別臺山已自馴
何勞月下臥風塵
金毛不比諸羣獸
獨踞東山共日春

象鼻畱雲

影藏霜跡臥芙蓉
舒捲從容聽梵鐘
露地白牛無覓處
生涯今在大悲松

雙橋鎖翠

雙溪會處鎖雙橋
誰把家聲繼古標
寶所不遙須進步
春山烟柳轉豐饒

三到龐公

三到名留久憶公
心空及第了無窮
潺湲韻入長松下
標榜叢林南國中

來來舊跡

誰來誰去復逢誰
楚水荆溪話道奇
一片白雲峯頂上
隔林幽鳥和新詩

蒼松夾道

行吟古道聽溪聲
數樹青松萬古名
高聳雲峯青嶂

外森森堪護法王城

卓錫清泉

卓錫飛來聲自猿雲騰露浥滴寒泉老龍穩臥忘踪
跡流水滔滔浪拍天

洞裏乾坤

未分混沌占機先洞裏乾坤洞裏天塵市不知仙隱
處了無名姓落陞塵

門外濤井

手把坤維自絕塵日前覲面一回清淡淡溪井寒千
尺月湧鯢鯨玉浪新

樹上搭蓬

當門盤結鳥窠禪個事從教一著先栗棘蓬中親下手西來祖意布毛穿

採龐榛果無米

名流麗棆古今傳拾來不值半文錢忽逢多口毗耶
漢咬著空心舌柱天

同衆遊山

萬仞千峯赤手提銀山坐斷鐵山摧當陽一覽乾坤
小鐵鷄無毛天上飛

元宵坐月

不繼無油薪夜燈一輪孤月照寒冰此中獨露風塵
客渺渺滄溟野衲心

葵花亭崖

亭亭一朵聳危崖獨露全身向日開孤月影流無面
背頭頭宛轉逞奇才

和雲峯雪厂兄韻三首

自休自歇了無哀一道靈光古鏡臺寶樹幾行鳴梵
韻入林何必問天台

果熟香飄出錦林杖藜欲到翠微岑千山引領尋高
頂撥碎雲峯幾片心

春月臨灘幾度來故人何事豈勞哉手把金針雲霧
裏鳳麟齊現翠微臺

別一融法兄

春寒到處雨風暖百花幽帆落舟臨岸杖停山到頭
不二泥河水何妨結勝儔君談山中事落葉始知秋

贈嵩岳兄

萬水千山步不離人牛不見又何時夜闌鼓角聲俱
寂孤月同風好和詩

贈太吉兄

遙望青山一日收客心何事憶扁舟一帆風月橫江

上別有生涯在釣鉤

贈龍淵慈朗兄二首

高步坤維自絕塵塔前一見一回親淡淡淵底溶千丈誰道吾兄玉浪新

鷲嶺峯頭曉磬鳴由來大隱更高清轉輪閣峻摩青嶂海外筇孤一點心

則融法兄往蜀

溶溶玉浪吼山川出海獵龍勢接天且喜春風多意氣聲光處處射塵寰

贈梅竹庵瑞初禪師

梅峯高隱竹林庵綠影漪漪映碧潭空鉢一圓無可贈金毛突出獸羣叅

遇雲間善來老宿原韻一首

撩天鼻孔氣充懷沒量大人何用猜電捲孤峯殘月盡和泥合水入胞胎

敲動髑髏粉碎禪不容擬議與誰傳是凡是聖曾供養信手拈來自歌歎

海月堂法主瑞雲師

雲間海月喜逢君翠滴霜花共日曛片片瑞雲峯頂臥樓臺壁玉吼經文

贈祖裔法姪

祖裔分座侍師勞授受乾坤登步高此去毗耶開大口船頭三點月中篙

示茂枝徒

覲面一掌識得渠未生面目本來無不移一念全體現擬議喪身休問吾

掩關隱居二首

隱居度歲自心庵無憂無喜道者寬內外隨緣納些些檀那喜助日三食

不行善惡古心庵我伴虛空不二三踏轉乾坤清切

句一
一灣秋月浸寒潭

赴齋口占

乞士赴齋非有才尤然虛納信奇哉迅雷一震風雲化布袋隨身笑滿街

示雪浪禪人持經

心知雪浪不尋常每每持經行道場誠實用心無染處一鉢一鉢一株香

同衆禪觀燈

一年一度上元燈海闊山遙徹底清萬象頭頭真識面雷音震動氣吞星



示心宇鄭居士

夜覩明星道本圓世人要識自身全森羅物物頭頭
現覩面無心自了然

示心持周居士

起心脫死要心持了了分明白覺知出入遊行忘舊
路爲人難得在斯時

西蜀僧請藏送別

楞嚴三藏已敷揚慧命流通照十方東震西乾無別
路法界同歸般若場

遊石峯

巨石峯頭現本源任他雨露灑身邊若人得用全遮
體入水入泥豈有偏

示僧住蓬崖

結茅崖畔度芳年窮漢家私不值錢破衲渾身俱是
結那分冬夏與寒暄

辭岳山老和尚二首

數載老梅帶雪枝頭頭風月繼坤維雖經鐵漢含春
像夜聽松聲花滿衣

岳嶺峯頭行不休冲天毒氣幾經秋長安雖是我王
地絕頂畱雲入斗牛

衆戒子請偈

孤筇畱別踏霜峯路峽芒鞋水月通上座師容山嶺
盡磼龍出海化無窮

畱別衆禪友

此回分袂入山茨杖子隨身四海施寄跡老梅方叶
蘂依然春色鳥聲催

贈芝崖兄

昔日金車句未圓岳峯八面起雲烟杖頭放出湖山
月紫金光聚照百川

贈耕雲法姪

把月林間第一魁布毛未動出胡胎春風意氣摩青
嶂一曲村歌滿袖來

和語松法兄韻

雨點松花蘸碧灘驚聞玉浪水潺潺洗月江南泉真
潔翛然如步柳烟灣

贈幼葵王公京試

北斗曾將入棘闈毫端一點快如飛手攀丹桂乘佳
趣四海欣聞及第歸

松簷竹瓦臥雲紗且喜文章滿日華日暮山中叢桂
湧金風初放葉如花

撰述

卷之三

三

示千江禪師

千江月映映千江海底泥牛乳動邦電捲胡疑風浪
盡明明眼下鼻頭雙

示千峯禪師

興然吸盡出江西舉目陽春萬派齊山水可觀湖月
地幽幽一笑勝匡廬

贈純然師

偶然喜逢數月餘談心分袂各東西春風鼓舞乾坤
闊舉目雲天萬物休

送浣風法兄

久聞聲振在吳山格外玄關萬古傳能向個中開正
眼偶然相聚望畱篇

鹿門寺十二景

靈溢泉

靈泉盛溢衆僧得每夜聲聲月自來隱顯不知誰變
幻水光閃返影連臺

霸王山

霸王孤立亂雲中擬是當年振主翁衆足臺巔兩相
望不知何處是真容

香爐山

雨灑新芬煥澗川不須拈火自生烟崑崙塞斷無窮路永祝延齡億載傳

獅子山

五峯不異鹿門山把斷要津吞玉還寶劍全提當面擲誰知高臥祖師間

三高祠

德公皮孟三高賢殿閣幽叢灰幾年詩韻薛蘿誰自昧山空道闊幾經千

丹霞洞

幽奇古洞幾人遊石蓋天庭能眼休誰識噴開丹霞

面雲飄杖笠樂山丘

青龍繞塔

青山不昧照靈光八面全身墮草鄉仔細看來無縫隙那分日夜拜當陽

修竹花斑

花斑修竹古藏文日掃堦痕絕點分葉上莫經風雨過森森堪護梵王牘

流泉影池

寺換幾番獨剩池水清湧湛碧光詩高賢絕韻無腔調皎月遙觀遠念師

江鎖鹿門

江深無底蓄清寒
却自荆門理釣竿
遯世慙人時欲見
明星相接水中天

鹿門山居

歷載居山無利益
祇羸一著最幽深
門前池水波濤靜
屋後青峯聳萬尋

遠眺烟村

烟村遠眺古叢林
物外幽人日訪尋
極目青山連碧水
秋風九月燦黃金

檀溪寺八景

次佛冤兄韻

馬躍檀溪
漢時盧的楚天秋
已露沙盤到嶺頭
何似棘林神力祐
茅廬千古萬山收

王燦古井

鑿井險幽石占先
寒光千尺水涵天
留名雖燦山河舍
一點沾唇透骨髓

晉柏遺風

晉柏軒中製不羣
劫遺僧坐復垂雲
靈根香色仍如舊
畱與溪翁大地分

屏峯鎖翠

白雲露出鎖峯低雨過青青碧玉齊前後看來誰可
伴鴉鳴疊翠嶺橫西

雙堤繫州

舟橫鴨綠接郎襄一水雙收臥壠場移下江聲成鶴
唳南山雲起北山香

平橋日渡

相君上下入雲頭宮閣盈門橋與舟隨處情懷分半
興度年度日過公侯

真武鉉峯

鉉峯掛劍繼雲臺日度仙家遠近來雨滴長松頻放

翠巖崖風急雁飛回

晴湖夜月

晴空夜月穿龍蛇塘水連湘柳近斜忽見一帆來作
伴聲高曲落蕩萍花

贈梵林法主

經律論開大梵林出塵真是報生身渠龍影水多得
月不負南山萬壽春

示啓方戒子

年去年來郊啓方萌芽寒徹自春香爲僧持得衣鉢
事體露如年戒定香

爲淨覺師

春至淨覺出翠微時來步雪踏霜希入林雖得師垂手報爾生身任意歸

爲默識師四旬

北斗南星默識真門前碧水透琴音月光童子擊便後可壽如來古佛心

示典座禪人

爲山典座一頭牛列聖叢中誰謂牧不少鹽醬些些味芒鞋脚底在心頭

示恆清禪人

眼下恒清對面開入門無處笑徘徊草色全經細雨潤杖頭一點與春雷

示杲輝禪人

杲輝日夜已皎然雖要分明得本圓立定腳跟星斗現水清透出月輪才

同衆春米

千搥百拶何存價從來白嘴自生花但得腳跟紅線斷不須岐路口吧吧

示衆募衣單

寒衣不假復春秋募化檀那似莊修雖助貧僧衣掛

體一毛頭上蓋青州

人

人人枉在世生死空自忙何勞者些子眉毛七尺長
生

生看無用漢理事孰知音仍易三歲子蒙生不老春
在

在在空掛日行動無偏僻然雖不識面全聲體俱寂

世善最爲寶冷熱自知道得脫了生世永不受煩惱
四威儀

山中行脚跟點白雲衣糞掃南山石鼓鳴

山中住舉目青翠樹這榔櫟橫敲撥雲霧

山中坐鐵面娘生墮休妄想花從風裏過

山中臥風捲殘雲過遙繩牀幾人能得和

贈雪庵兄回浙

客囊無可贈把袂意偏長杖子隨君手靈符濟世航
黃鸝枝上語碧草澗邊香風月今猶在孤光祖道匡
示沈居士護關
自在白雲間識得自心安下溪須策杖上嶺捉藤攀
相伴春風裏門前看石斑閒閒非不佛念念護心關

祖道吟五首

祖道原來行實地無生無滅無爲起一圓空鉢隨分
具入林幽鳥聽聲語鵠噪翠閃電飛日夜忙忙有何
利

直指當陽道非易誰秉慧燈燈寶積婆心化道許流
傳象王行處絕狐跡陞其堂入其室高掛鉢囊樹下
笛

瞬息光陰暗逼事轉眼於茲來生已枝頭葉落聲蕭
瑟慚愧未能酬心肺也無憂也無累鏡形水月無可
拘

黃蘿淡飯生活計石虎崖畔去栽芋相念相思無別
圖萬疊雲山有本據雨飄飄風颯颯孤峯頂上那堪
立

林啼雲鳥皆遊戲情與無情齊出世隨分納些天地
寬無根滋味觸生鼻百草頭祖師意硬掌龐拳隨分
示

文學俞公同觀泉

山栖性寂靜榮辱本無驚綠水巖邊坐偶君不憚臨
孔孟老瞿曇梅放煮雲英滌盡煩空習悠哉遠護情
遊天童太白峯

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

雲摩日月樹摩巔下視羣峯數點烟行在其中誰是
峻翛然獨步我偏先芒鞋踢碎虛空髓無限風光落
眼前橫身露布威音外却似携筇過九天

不凡李公過訪二番偶偈二首

瀟灑胸襟自不凡才高無處處廊巖蒲團坐冷風敲
竹蕭寺吟殘月共杉髮短漫添新席帽骨剛衣舊舊
褊衫乘時好躡無踪路仍取傳燈第一函
偶逢江上楚重緣把袂依依各一天驅出鐵牛吞日
月擎來石虎吼山川柳絮春搏空中雪風生含翠吐
青烟試問三台星斗燦不知聚首在何年

次雲峯雪厂兄原韻

雲峯露布接龍淵渺渺烟霞覆蓋天何事法幢臨華
戶驚動泥牛吼嶽川名藍遠掛松杉月曲徑時穿綠
竹烟爲問高賢泉石韻誰知物外日如年

贈石劍師

城闕未盡忽田家心遠雲間近不睽往事仍栽青竹
柳故人分袂洛陽花看山移杖常年話佛石開尊駐
晚霞莫道曹源窮似畢更勞風月送霜花

贈樹影師

船子琴音曾把箇蘆花烟水出身撓江城海月仍君

踏渺沒清萍碧波淘玉浪鯨鱗隨處去峯巒最會曰
雲挑多年掛錫靈崖臥石筍抽條分外高

佛冤法兄佳章次韻贈二首

浙江別後發孤蓬和雨和風百草香疊疊亂山迷望
目微茫忽遇見佳章鐘聲敲破幽人夢荒步柴門話
遠長碧浪溪邊留似景却堪踪跡轉生光
出峽翩翩登浪頭任君一片烘爐收峯高典得青山
在白石滔天不屬秋指鶴巢兮何拘束看雲無意得
悠悠須擔柳櫓誰回顧放去收來不斷流

贈牧翁法弟

樹大新枝以掌擎春深茅舍自雲英青衣拂座竹千
古翠色金星日轉盈躍浪錦鱗機活潑啼花鶯鳥唱
空聲吾師沙盆吾弟起乘月攜舟釣碧嚙

贈次梅白公畱夜

先生道骨本先流山水清涼結勝儔曾憶鹿門共夜
月師吟千里送襄州其中尋舊隱泉石兩底蓬窓茗
椀幽乍日清談我若記種梅千樹老林丘

化油供佛

檀溪空掛碧琉璃一點輝煌聚勝因要得徹明塵世
界人人出手續心燈經行打坐自家事撥火燒香供

撰述

宋人集目錄卷之二

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10
佛僧步步仍知渠面目無時剔起談騰騰

檀溪募緣偈

重建檀溪不存糧惟我山中分外荒只謂口頭貪些味登門助道便成當須然粒米無邊界一口吞盡般若香捨也風光不捨也風光乾坤之內作福爲常護法王居士及耆宿等請師出關

王公今日貴延請道山僧出關提起青州布綴信心福壽如山遠近耆翁光賁春風一動破顏吾愧有何長處惟恐推動人間

吼松師來韻

尋踪覓跡露曹溪道與名流四海齊高挿情懷雲外客杖挑日月赤手提相期共話春風裏蕭寺松聲應節梨碧水溪邊畱玉過梅吞片雪布天躋

贈洞宗梅雪大師壽

雪裏梅峯徹骨仙萬山拱首慶長年白牛露地人間嚼語密相逢玉線玄佛日時開三隻眼松風蘿月影寒烟裏南石經輝今古齊洞溪聲水一連

鐘樓寺清白禪師請贊文殊菩薩

臺山未別到鐘樓王舍城中得自由眼底晶光空色相手中清白振闇浮一心度衆能傳後七佛之師迴

出頭不二法門爲弟子敲風弄月影襄州
法兄古宿和尚來韻復贈

一片孤雲遇故鄉偶來草舍伴同堂樹稀時有幽鸞
宿地湧何妨烟水忙擊竹峯頭光瑞益玉毫天眼盡
翻章此中箇是畱踪跡莫謂人間洗換腸

府戎彭法兄

楚國爲民母賢愚頌德風傾誠行聖化垂手續心宗
道價超居易嘉聲逾蘊空武林三佛地示獲現神龍
江西提督嚴護法

萬水督洪州悠然布楚風魔銷士相樂道泰擊神鐘

佛日飛鸞接桃林燦錦紅春清四海地千古羨嘉豐
讚柯老居士

獨衆孤筇現赤心維摩資任立叢林古今梵刹文星
照荒徑野人依舊新溪水波中明月現浚雲透海泛
高岑掀天北斗從君起七尺烏簾消酒襟

復韻笠庵

未覩容光今已穿同風忽至始怡然灰心雖是林添
翠道譽禪流白浪天獅子遊行聲吼地起寧往解復
垂烟一枝出蓋無餘事萬派全歸大振邊

丙子別吉臣王公八載和韻一首

撰述

卷之三

古心重聚佛緣長今昔何殊入法堂雖是江天堪共
月與君搖影一葦檣

王居士請藏

般若流通選佛場發心得寶共天堂西來大意無窮
極海內名畱振楚襄

佛像送至檀溪

世代虔心敬佛身名藍香像出輝塵雖然充滿其中
現到處隨緣轉法輪

鹿門寺景

山高平處與人何烟雨林涇湧佛陀如是境中真可

面相聞不意脫心魔

檀溪寺景

古刹檀溪遠境何當年馬踏印毗盧至今漢跡名垂
遠幸有文星轉佛圖

荆南道前兵部職方司良範孟公遊檀溪和韻

三首

君臨草舍午鐘鳴誰肯甘心到此行頭角明珠拳在
手不分星夜照前程

孟老瞿隆未接楫毫端拈出鳳林歇卽攀丹桂承佳
句任是銅頭天上月

山空樹老古幽泉一點波心冲大千聖世永賢忠砥

支那

辛卯仲夏

七

桂滔天白浪浸無邊

奚君步登溪林中雲生路幸得岸頭去聲名何須渡
孟公春去秋來

彈指春秋去復來旌旗化雨潑天開九重簡在頌榮
詔一束腰金億萬猜

贈秀野法姪住西來寺

梅魂放雪仍風霜花映瀟湘四海香雲水玲瓏多得
月隔江招手餞流方

戒子明舌請示

舌頭無骨露真乘涉出真乘行不輕如是覓心了可

得不枉持戒若爲僧

贈大智壽

南山星斗慶圓通誰把家聲繼古風大智解開生藥
鋪單單只賣死苗頭

贈二眉修仙

住在鸚鵡山夫子閣朱曙先

眉峯鸚鵡聚靈仙洞口白雲疊翠連夫子昔年文太
過從今不鍊汞中田

募建大殿偈

檀溪久廢復垂雲梁棟施成佛日熏一笠曾將轉帝
位信心一念善爲君

郡侯鹿門法兄

大道分明無二人赤心一片再君親靈山不現佛之
師拈出叢中萬古春

示徒天德做庫頭維那火頭共四載偈二首
出家戒定露天機火燄了眉鏡裏欺縱使杖敲真舍
利不如電傲放薪枝

庫中事繁折柴好三載始終漁父道堂與維那須領
畧跪門燒火服其勞

蓉城法姪止竟

蓉城大道正當陽光燄傳燈五色彰毫法拈縱他處

覓英靈止竟本施張

祝梵大師

海底雲生不可測襄州水濟通途轍濤聲梵唄碧峯
頭朗月一輪明皎潔

示徒德唯

六十餘年齋戒佛前持誦禮拜僧心久已僧體如願
如前不退

寶琴請像讚

寶琴信心請藏寫拙問是阿誰梓舟老說現個叟像
無人可悅

結冬掛鐘板

祖佛號令內外安寧清淨本然勇猛精勤且道如何
是號令一句開爐容畱真鐵漢唱歌須是牧牛兒
募化千佛寶懺偈

佛日空懸地將心悔竟聞洗滅萬劫罪錫振雨花芬
喜助舍寶月潔出青襯雲慈音何處是拜禮千聖名
募茶引偈

世人多飲茶良緣結萬家好事因中果冷熱便用他
喜心徑路渴如添甘露涯何愁不成佛遇澤昔開花
自歎二十首 度日

歲月人間過烟霞雲雨多殷勤步溪寺更得六波羅
荒居

荒山秋夜月獨上楚襄州如何得真處清白自心頭
自愧

虛度過殘日客別此何時期伴黃山道孤頂風月思
居山

山陰橫嶺秀青疊白雲勘林輝光燦色不中豈願預
祖道

日用何所見明明百草頭可歎無知己滿船載空舟
相見

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

德雲高飛進孤光獨照閒看驗賓主句兩不不分班

待茶

萬派一浮漚鐵船水上浮相逢若知已和盤托明珠
步香

堂前明月光露地腳一雙踏破澄潭月管他屋上霜
留雲

雲堂聚賢愚虛空進何極日月穿雲過往來去不息
行敬

不動行千里天地無一言乾坤須濶氣虛空總包元
茅舍

碧玉無瑕白水清澗底然風笑殘日盡入林和常年

山景

日夜在寒山誰肯獨往還惟有松柏操石徑且留閒
進山

聞名登高去回頭將何來目觀無思至收放寶滿懷
話頭

古今不相識共住亦無名趙州洗鉢去佛也著一驚
坐參

銀山與鐵壁露柱間燈籠送君任舊跡萬里鼻頭通
尋山

樹湧千枝秀鴻鳴鵠噪詩泉石文太過芳蝶蓋須彌
本懷

土面灰頭度打開布袋口與君作往還恩養無一畝
垂手

既爲佛子住江山作畱人黃金如糞土四大假合成
灰心

祖父不出門掀倒琉璃餅風旛自不歇一句了心純
返本

水落歸滄海波萍野衲心縱然翻玉浪梵音海潮音
佛事

爲吳國傑居士舉火師云鐵面鐵心急死急生雪片
送汝恁麼轉身且道轉個甚麼炬火云一把烈火獨
露橫空震威一喝便勒火

戒子德安舉火

師云德安德安送汝把火竟到長安如何長安底事
喝一喝云一股清烟透物外

屺山老和尚訃音至懸真上供云

先師出世六處名藍施棒海內垂鉤釣得泥牛不免
失却鼻孔雖是擎龍捉虎的手段且置祇如金剛潭
底臥龍飛踏碎毗盧頂巍巍獨坐保安堂上然雖恁

麼不肖忤逆尚饗展具九拜

爲知聖居士舉火

知聖甚得乾坤七尺身不容擬議尋思直下與你安
身立命喝一喝云河流源在水猛火烈星飛

爲向官府居士舉火

師舉火炬云者個向官府送爾一把火爾向我我向
汝一句作麼生道烈焰橫空難栖魄火裏蓮花爲父
母

爲普陀庵主舉火

師舉起炬云普陀庵主生死海中如何轉身助汝把

火若是恁麼觀世音菩薩將錢買餌餅放下手來却
是瞞頭

鄧善人舉火

紅塵堆裏善始善終須得安樂惹得毒手火來逼身
蓮華朵朵衆舉彌陀接引垂手攏下炬喝一喝

性普禪人舉火

禪人性普還會性麼生也恁麼死也恁麼生生死死
恁麼恁麼且道恁個甚麼便入火云急須著眼無處
生爾

爲破石禪師舉火云

正乃端陽節龍吟虎嘯歇七十餘秋歸真已畢歸真
已畢且置烈燄旦空難愁魄脫身一句正恁麼時作
麼生道便一喝云髑髏粉碎灰飛烟得便烈火

卦音歌人乘火



望闕頭

風華采采衆舉酒引對同垂手默不言

一一五十七

10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9
10